

# La Bib pou ti moun prézanté

## Jakòb mantè (tronpè) a



Ékri pa : Edward Hughes

Ilistré pa : M. Maillot; Lazarus  
Alastair Paterson

Adapté pa : M. Kerr; Sarah S.

Tradwi pa : Ausky Salomon

Pwodwi pa : Bible for Children  
[www.M1914.org](http://www.M1914.org)


©2025 Bible for Children, Inc.

Lisans : Ou gen dwa pou copyé o swa fè fotocopie istwa sa,  
dépi sé pa pou van-n ou fè li.



Èske Bondye te janm  
voye yon tibebe nan  
fanmi w ? bon bagay !  
Izarak ak Rebeka  
dwe te kontan anpil  
anpil. Bondye t apiral  
ba yo marasa.

Tibebe yo t ap bat nan vant Rebeka. Lè Rebeka t ap priye, Bondye te di de pitit gason li yo t apral dirije de nasyon — epi pi piti a t apral gen plis pouvwa nan yo de a. Dabitid, pi gran yo te konn pi puisan. Finalman, tibebe yo te fèt.



3

Marasa yo pa te sanble. Ezayi, pi gran tigason an, te gen anpil pwal sou tout kò l epi li te vin yon chasè abil. Jakòb te gen po mou epi li te renmen travay ozalantou kay la. Papa yo, Izarak, te prefere Ezayi. Kanta pou manman yo, li menm li te pi renmen Jakòb.



4

Yon jou, Ezayi te grangou anpil. "Ban mwen yon bagay pou m manje," li di Jakòb. "Vann mwen dwa premye pitit ou a," Jakòb te reponn li. Ezayi te pase

pwomès Bondye te fè pi gran pitit gason nan chak fanmi yo nan betiz. Li te antann li ak Jakòb. Kounye a, se Jakòb k ap vin chèf fanmi an apre lanmò papa yo.




5

Yon jou lannuit, Bondye te pale ak Izarak. "Mwen se Bondye Abraram, papa w la. Mwen avèk ou. M ap beni desandan ou yo." Malgre Izarak te adore Bondye, pitit gason l an, Ezayi, te marye ak de fanm Hitit (hittites), yon pèp ki pa te bay Bondye okenn enpòtans.



6

Izarak te vin granmoun. "Pote kèk jibye fre pou mwen," li te mande Ezayi. "Aprè sa, mwen ava ba w benediksyon mwen." Benediksyon espesyal sa a se Papa a ki te bay pi gran pitit gason l an li. Ezayi t ale chase jibye a touswit. Men, Rebeka te tande tout bagay. Li te vle se Jakòb ki resevwa benediksyon an.



7

Rebeka te genyen yon plan. Pandan li t ap prepare yon repa byen vit jan Izarak te renmen l an, Jakòb te mete rad Ezayi yo epi li kouvri men l ak kou l avèk po bèt. Izarak pa te wè twò byen ankò. Se konsa yo te espere twonpe li.



8

Jakòb te pote manje a bay Izarak. "Vwa w se vwa Jakòb," Izarak te di, "men men ou yo se men Ezayi." Apre Izarak te fin manje, li te beni pitit gason ki te ajenou devan l an.



9

Touswit apre Jakòb fin ale, Ezayi te retounen bò kote Izarak. "Men manje w la," li te di l. Izarak te konnen yo te twonpe li. "Mwen pa kapab anile benediksyon an," li t ape kriye. Kè Ezayi te plen ak rayisman. Li te deside touye Jakòb.



10

Rebeka te tande menas Ezayi yo. "Ale kay tonton ou," li te di Jakòb, "jiskaske frè w la bliye sa w te fè li a." Izarak te dakò Jakòb te dwe jwenn yon madanm nan fanmi manman li. Se konsa Jakòb te kite kay la.




11

Jou lannuit sa a, Jakòb te kanpe pou li dòmi ak yon wòch kòm zòrye. Petèt li te santi l poukont li, petèt li te pè. Men, li pa te poukont li. Bondye te pale avè l nan yon bèl rèv.



12

"Mwen se Bondye zansèt ou yo, ABRARAM ak IZAAK. Mwen avèk ou. M ap ba w peyi sa a. Atravè fanmi w, tout fanmi ki sou latè y ap beni." Apre Bondye te fin pale, Jakòb te reveye. Li te pè.



13

Tonton Jakòb la, Laban, te pran l lakay li. Jakòb te renmen kouzin li an Rachèl epi li te travay pou Laban pandan sèt lane pou li te kapab marye avèk li. Men, pandan jou maryaj la,



Laban te trayi Jakòb.

14

"Se pa te Rachèl, se te Leya," Jakòb t ape plenyen. "Ou twonpe m." "Pi gran pitit fi a dwe marye an premye," Laban te reponn. "Kounye a, marye ak Rachèl tou epi travay pou mwen pandan sèt lane anplis." Jakòb te dakò. Petèt li te sonje li menm tou jan li te twonpe Izarak Ezayi.



15

Jakòb te genyen 11 pitit gason. Pandan lane yo t ap pase, li te anvi mennen fanmi li retounen Kanaran. Se la paran li yo te ye. Men, avèk Ezayi ki te vle touye l a, èske li t ap an sekirite ? Yon jou, Bondye te di li pou l retounen lakay li. Jakòb te rasanble tout fanmi l ak tout bèt li yo epi li te pran wout la.



16

Ala yon vwayaj sa te ye ! Ezayi te vin rankontre Jakòb avèk 400 gason ! Men, li pa te fè Jakòb ankenn mal. Li te kouri al jwenn li epi li te anbrase l byen fò. Jakòb ak Ezayi te byen ankò, epi Jakòb te retounen san manke moso lakay li.



17

Jakòb mantè (tronpè) a


Yon istwa soti nan pawòl Bondyé-a, la Bib,

Nap jwen-n nan

Jenèz 25-33

"Pawòl Bondyé poté limyè."  
Sòm 119 : 130

18



6



60

19

Istwa bibli sa rakonté nou kòman ké gen yon mèvèyé Bondyé ki kréyé nou é ki vlé pou ou konnen Li tou.

Bondyé konnen ké nou fè mové aksyon ki rélé péché. Piniyon pou péché sé lanmò. Sèlman Bondyé renmen nou si tèlman ké Li voyé sèl gren-n pitit Li-a Jézi, ki mouri sou lakwa pou nou, dékwa pou Li sa péyé dèt péché nou yo pou nou. Apré sa Jézi té résisité, é Li monté nan syèl la ! Ou men-m tou, si ou kwè nan Jézi é si ou mandé Li ak tout kè-w pou Li padoné péché ou yo, L'ap fè sa pou ou ! L'ap rantré nan lavi-w touswit é wap maché avèk Li pou tout tan.

Si ou kwè ké sa ou fèk sot tandé-a sé la vérité, résité priyé sa : "Sényè Jézi, mwen kwè ké ou sé pitit Bondyé, mwen kwè ké ou té mouri pou mwen épi ou résisité ankò. Tanpri, rantré nan lavi mwen, padoné péché mwen yo, pou mwen sa gen yon nouvo lavi kounyé-a la, konsa lè gran jou-a va rivé, m'a va abité avè-w nan rwayòm ou an pou l'éternité. Edé-m obéyi-w é édém viv pou ou an tan ké pitit ou. Amèn.

Li La Bib ou épi palé ak Bondyé chak jou ! Jan 3 : 16

20